

wirdt / welches man sonst an Kupfferne Kessel vnd andern Distillir-Zeug wenden muß.

Im vierten Theil / ein sonderlicher auch bishero unbekandter Ofen / in welchem man alle Chymische Labores gar leichtlich thun kan. Sehr dienstlich aller Mineralien / Metallen / vnd anderer Berg-arten vnd Erzen Eigenschaften vnd Naturen dadurch zu erlernen. Auch dieselbe auff ein besondere vnd viel bessere Weise zu probiren vnd examiniren / schmelzen vnd abtreiben / auch eins von dem andern scheiden / daß nicht verlohren gehet / ganz kürzlich vnd compendiosè mit grossem Nutzen / desgleichen noch von niemand beschrieven worden.

Im fünfften Theil soll gelehret werden / wie man alle Instrumenta von Eisen / Erden / Glas / vnd dergleichen Materialien zu dem 4. Ofen gehörig / zurichten vnd formiren soll / neben mehr andern nötigen vnd nützlichen Handgriffen.

Nun in diesem ersten Theil / will ich / nach dem ich die Zubereitung des ersten Ofens beschrieven hab / auch offenbahren / wie die Spiritus, Olea, Flores, vnd dergleichen andere gute Medicamenten damit oder darin zuge-

zuge-